

¡BOMBA!

Que todo el mundo recuerde y haga bien esta tarea: pendientes de la marea, y Campeche ya está en verde



# K'intsil

Lunes 28 de septiembre de 2020

CAMPECHE · YUCATÁN · QUINTANA ROO · AÑO 6 · NÚMERO 1325 · www.lajornadamaya.mx

## AYOTZINAPA, U P'AAXIL MÉXICO



Marcha conmemorativa por el sexto aniversario de la desaparición forzada de los normalistas de Ayotzinapa. Foto Juan Manuel Valdivia / enviado

### ► EDITORIAL

Le 26 ti' septiembre máanika', jnáak wakp'éeel ja'abo'ob sa'atbesa'ak u 43 xoknáalilo'ob Ayotzinapa, le beetike' máax beetik u fiscal generalil ti' u lu'umil México, Alejandro Gertz Manero tse'eknaj ti' Internet. Te'elo' tu tsikbaltaj ba'axo'ob meyajil ts'o'ok u seen beeta'al tumen mola'ay ku jo'olbesik ti'al u sásilkunsa'al ba'ax úuch te'e k'inako'. Le beetike' tu jach tsikbaltaj ba'axo'ob seten a'alab j-úuch tumen u ajmeyajilo'ob jala'ach yaan ka'achij, ti'al ma' u yojéelta'al jach tu jaajil ba'ax úuch tu yáak'abil u ja'abil 2014, tu noj kaajil Iguala, Guerrero, tu'ux tu ya'alaj xane', u nojochil máaxo'ob

ku meyajjo'ob ti' jala'ach ka'achile' ma' patal ba'ax tu beetajo'obi' le beetik ma' xan jts'a'ab u si'ipil máax beet k'aasil yóok'ol xoknáalo'ob. Gertz Manero tu jach a'alaj: jach táaj sásil yanik jala'ach máanik, ti' tuláakalo u mola'ayile', tu ta'akajo'ob, tuusnajo'ob, tu jets'ajo'ob u muuk' yéetel tu ya'alajo'ob ba'alob ma' patalo'obi' ti'al u ma' u ch'ikpajal ba'ax úuchij, chéen ba'axe' walkila' ts'o'ok u káajal k-e'esik jach ba'ax úuchij yéetel u jaajil. Beey túuno', ka'alikil ti' yaan Palacio Nacionale', u jala'achil u noj lu'umil México, Andrés Manuel López Obradore', tu ya'alaj

jach yaj óol úuchik u sa'atbesa'al 43 u túul u xoknáalilo'ob u najil xook Escuela Normal Rural Raúl Isidro Burgos, ts'o'okole' tu ya'alaj xane', meyaj ku beeta'al lik'ul u mola'ayilo'ob jala'ache' u ts'áamaj u yóol ti'al ma' u ta'akal mixba'al, yéetel tu k'áaj ka sa'atatbesa'ak u si'ipil México, tumen jach ma' je'ets'ek u muuk' a'almajt'aan ti'al u máaxo'ob beet le k'aasil ba'ala', ts'o'okole' le noj lu'uma' k'a'abéet u yutskúntik ba'ax úuchij yéetel najmal u sásilkunsik u jaajil.